

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

Oratio ad B. V. Mariam.

[urn:nbn:de:hbz:466:1-50863](#)

me, velut olim Apostolos, primosque Christianos, per timorem me purga, liquefac per pieratem, per fortitudinem consolida, per consilium ad cœlestia mentem eleva, per scientiam exorna, per intellectum illumina, per sapientiam dulcedine reple. Veni sancte Spiritus & tui amoris ignem in nobis accende! Veni ô Charitas! & totum me posside. Regna in me ô Charitas! gratia gratiarum, virtutum regina, operum sanctorum principium, radix meritorum, fons saliens in vitam æternam. Hoc unicè oro, hoc peto per Jesum Christum, qui *Ignem & Spiritum manducandum & bibendum nobis prestiit carne vestitis, corpus scilicet & anguinem suum.* S. Ephrem. de Nat. Dei cap. 5.

Oratio ad B. V. Mariam.

O Virgo gratosissima, charitate & Spiritu sancti donis plenissima: hunc nulli à Filio tuo omnis charitatis fonte favorem impetra, ut ita me ad hoc sacrificium peragendum & Spiritum sanctum accipendum præparem, quemadmodum ad Spiritum sanctum in Pentecoste, & Filium

Filium tuum in communione suscipiens
dum præparasti, ut similem quoque charitatis fervorem obtineam. Per eundem
Christum Dominum nostrum.

Oratio ad S. Angelum Custodem.

O Sancte mi Angele Custos assiste mihi
sacrificanti, juxta aram cœlestis in-
censi, plurimis Cherubinis & Seraphinis
stipatus; quo cogitatione cherubicâ illu-
stratus divinorum mysteriorum sublimi-
tatem cognoscam; & charitate seraphicâ
succensus eadem tractem. Amen.

Oratio ad Sanctum hodiernum.

O Sancte N. signis & prodigiis in vita
& post mortem editis clarissime, im-
petra mihi, obsecro, effectus charitatis
admirandos, ut digniore efficiar ad sumen-
dum & tractandum omnis charitatis fon-
tem, omnis boni plenitudinem. Amen.

SUB SACRIFICIO.

*Roga Christum Dominum ut iuxta
promissionem suam, mittat Spiritum san-
ctum, qui te veluti olim Apostolos in ali-
um virum commutet: nam Spiritus san-
ctus teste S. Chrysostomo in alia Hom.*